

戴靖教匪迹編
十二卷

風陵文庫

文庫19

F 37

1

35

40

45

50

戡靖教匪 述編

翻刊必究

京都琉璃廠刊行

仁宗睿皇帝御製邪教說

先聖王以道德仁義禮樂刑政裁成輔相化育萬方使民日趨於正道恐為邪教所誘也自二氏行於中國始有釋教道教之名因其說亦皆吾儒所撰大旨亦精微元妙勸人為善戒人為惡輔翼王化無大差謬是以聖帝明王姑存此類不加沙汰至於白蓮教之起則為騙錢惑眾假燒香治病為名竊仙經佛籙之語衣服與齊民無異又無寺宇住持所聚之人皆失業無賴之輩所以必流為盜賊是又僧道之不若矣然天下之大無所不有苟能安靜奉法即燒香治病原有惻

長立孝目文
恒之仁心在朝政所不禁若藉此聚眾弄兵漸成叛逆之大案則王法之所不容故查拏之始原因逆謀之一二人如劉松宋之清劉之協首犯耳劉松宋之清皆已伏法並無株連而劉之協自扶溝脫逃所緝者仍此一犯而地方官有奉行不善者有苛求圖利者胥役衙書四出滋擾閭閻無賴借事推求將正犯反置於不問妄拏無辜名曰欲辦白蓮教以至起於襄陽由豫入陝而川省達州徐添德王三槐亦乘時蠢動互相勾結自此遂東奔西竄疲我官兵害我良民傷心慘目實難備書現今賊營中非盡教匪也亂民乘勢圖劫掠耳

夫官軍所誅者叛逆也未習教而抗拒者殺無赦習教而在家持誦者原無罪也卽如劉之協雖爲白蓮教之首其未謀逆以前若俯首就擒其罪僅止發遣耳脫逃至湖北糾約姚齊二逆並同教人等定於辰年辰月辰日辰時起事是真叛逆斷不可赦矣起事後伊又潛往豫省漏網七年之久若從此安靜匿藏原可倖免孰意又糾約李傑等由寶邳起事此由罪大惡極天神共憤使之自投法網得正憲章豈人力哉故白蓮教與叛逆不同乃顯而易見之理設若賊營中有一二僧道豈盡沙汰二氏乎有一二生員豈盡廢科舉之典乎

然則白蓮教之為逆者法在必誅其未謀逆之白蓮教豈忍
盡行勦洗耶白蓮教與叛逆不同之理既明則五年以來所
辦理者一叛逆大案也非欲除邪教也然聚眾歛錢終流為
不靖是在良有司實心訓導宣揚正學漸仁摩義蹈矩循規
化其暴戾易俗移風庶幾小康民安本業朕實有厚望焉

改邪教ト云フ是レ認メテ不三邪惡ト為ス心
而シテマク非欲除邪教也ト云フ自家撞着
ニ非ズシテ何ゾヤ情廷感令ノ衰フル夫レ
マサニ此ノ時ニ在ルカ

戡靖教匪述編序

乾隆年間陽湖趙觀察雲崧編

皇朝武功紀盛歷述平定三逆平定朔漠及準噶爾緬甸金川諸
大功雖權輿四庫全書而其自敘則謂數次用兵見聞較切
曾卽軍門粗有記述歸田後擬一一追叙卽其載明將軍死
節一事亦謂將軍已歿諸戰功不及見之奏牘天下人無由
知問諸從征者得其詳則知亦多得之傳聞不盡本於頒
發之書也嘉慶八年教匪掃清奏凱普天慶頌我

仁宗睿皇帝

武宗文正皇帝

聖心歡洽，與諸王公大臣聯句誌喜，異數十韻，分徃其事之本末，特詳草野書生幸際。

昇平敬謹伏讀而嘆。

文德

武功超邁千古再讀。

欽定平定教匪紀畧一書益嘆。

神謨

廟算洞中機宜，故一時小醜旋就誅滅。如某者祖孫父子生長蜀土，食舊德而服先疇，無非。

聖天子之賜，而當賊匪披猖之際，桑梓士女糜骨碎身，莫之有悔。

尤足見

朝廷德教入人之深且厚也。某才雖謏劣，忝竊科名，鋪張鴻烈，揚厲偉績，臣子職也，卽推。

欽定平定教匪紀畧之義而演述之，庶不蹈僭妄之罪。首紀蜀者，非獨爲父母之邦，抑以其遭賊較甚於陝甘楚豫，故舉而先之。而次以四省焉，又次以襍紀附紀焉，聊以存裨官野史之聞見爾。時道光六年中秋之前三日，謹識於石香村之書屋。

戡靖教匪述編目次

卷一至卷八 蜀述

卷九至卷十 陝甘楚豫述

卷之十一 雜述

卷之十二 附述

每編前各有小引蜀述陝甘楚豫述雜述後有論附述末錄書札數通題辭一首

跋

石侯嘗謂香農曰邪匪之變



欽定平定教匪紀畧一書凜如誓誥何煩居士之編爲香農曰然
欽定舉其大小臣謹遵其指而詳爲說之故曰述也

本朝綏寇紀畧靖逆記等書堂堂行世卽邪匪之平宜軒爵閣
亦曾備載而刊行矣猶是志也且

欽定之書辭旨奧衍遐遠尤難購爲家有居士所編虞初小說之
流易得而易曉亦如經傳之有箋疏其義例具見於答我兩
人書體裁嚴密記叙詳明而大旨歸於述

朝廷之恩威，以勸善而懲惡，觀簡端謹錄。
御製邪教說冠首意，可知矣。故不妨具述而編之，以備輶軒之採擇焉。石侯曰：然，因舉以為跋。香農識。

戡靖教匪述編卷一蜀述

石香村居士編輯

案白蓮教自元明有之，如楊惠、徐鴻儒及四川之白台仙、蔡伯貫，皆習此作亂，旋並殄夷我。

朝

聖

聖相承，厚澤深仁，旁敷曲宥，尤以保大為武，安民為功，以故神武之師，明威之討，靈夔呿吼，雄虺摧藏，凡繩行沙度之鄉，鬼難風災之域，靡不奉上，破關來琛，獻贐，至夫環海之內。

則數世以來時和歲稔士安絃誦農樂耕桑商賈工技熙熙皞皞凡茲萬彙覆幬幘幘咸並生並育於浩浩蕩蕩之天雖間有爲曲說邪教者亦未深究自白蓮賊總教首劉之協、龜、龜異類自外生成謀逆湖北襄陽始嚴行稽禁未幾當陽枝江相繼作亂由是勾連裹脇日聚日滋而無賴不法之徒如四川之啞嚕子南山之老戶襄鄖之棚民沿江私鹽之梟各省私鑄之犯乘間闖入鼓煽劫掠紛紛而起流轉靡定自楚而豫而陝甘而蜀越白水江嘉梓潼水出沒夔巫鄖竹商維之間而以南山爲巢窟不傍城郭惟

劫村塢會則魚爛敗則獸散恃老林爲藏身之固東至唐鄧西至松潘北至澧縣南至孝感五省數十州縣無不遭其蹂躪仰賴

神威

經武臨之以雷霆照之以日月自用兵以來行間將帥封疆大吏恪稟

廟謨起湖北灌灣腦獲最傑人以迄誅王世貴等勦撫並用俘馘相踵咸懸藁街雖

天地之仁兵非得已而風雷之用民乃胥安其時被患重而創

最深者惟蜀爲甚在蜀賊首不下數十人徐添德最先起
嘉慶元年九月白蓮教賊徐添德作亂達州今改綏定府添德達州
之亭子舖人世業農嘗充本州役緣事斥革習白蓮教時教
首劉之協在襄陽有李某者捕魚爲業沿江往來聯絡勾結
傳報信音名通慧人故添德與湖北賊消息常通其初假燒
香求福爲名愚民多信之而蹤跡詭秘人莫能測是春湖北
告警傳聞事由教匪猶未知添德之欲爲逆也至六七月間
其家往來稠集紛紛整衣糧造器械事始大露鄉約李文現
李元德前後登報本州不以爲意九月十五日遂與弟添壽

及王登廷張泳壽趙麻花王學禮汪瀛熊翠熊方青陳侍學
作亂於亭子舖旬日間有衆萬人先是乾隆四十六年八月
尚書周煌奏川省囑匪近年每邑俱多至八九十人常川
騷擾並有朋頭名號戴頂坐轎乘馬白晝搶奪淫凶如入無
人之境通省官吏罔聞兵民不問甚至州縣吏役身充囑匪
如大竹縣役之子有號一隻虎等語又楚督劉墉奏究出
割辦囑匪黃勝才等供稱川省匪類各有記號其割辦夥內
成羣結拜割下之髮燒灰入酒共飲各護各黨其朋頭因欲
出頭露面故不割辦云云奉

自嚴拏是時川省唯有咽喉匪六十年苗疆蠢動於楚蜀之邊蜀中
父老云川省舊無咽喉匪金川之役官兵不利於木果木一時
潰兵之無歸者逃匿場市稍稍劫竊又金川苗疆兩處兵糧
多募夫役應募者皆年力精壯失業之人及歸與逃卒合地
方相識無賴復入其中遂散布通省肆行搶劫及查拏嚴急
白蓮教多深堂大宅復輕財好施此輩藉教匪家以藏身而
教匪因以起事故糜磨鼠子嘯呼而起戰陣技藝有如素習
此逆賊徐添德等所由起也徐添德既反其黨東鄉縣人王
三槐冷添祿張子聰廣向瑤符曰明劉潮選湯思蛟張簡孫
老五亢作俸湯立元等亦聚萬人反應添德屯聚東鄉之豐
城其爲首數人籍東鄉餘多陝楚籍卽添德黨亦湖北至者
三之二當是時湖北賊敗散者多潛竄入蜀故兩處逆賊初
起卽有衆如此署四川總督侍郎英善統兵赴勦軍駐達州
城令川北中營游擊尚維岳左營游擊范懋率二千人營娘
娘廟左營都司清福出東鄉之天星橋爲犄角賊徐添德自
亭子鋪居數日走麻柳場民商數千家奔逸遂屯其中預分
兵以拒清福而夜劫娘娘廟維岳懋清福及把總張大斌周
寬死之由是逆等輾轉蔓延四出焚掠遂不可遏適苗疆未

靖湖北賊匪又熾軍糧存蜀無幾鄉民之貧者各結團寨以禦賊達州東鄉太平新寧渠縣大竹所在皆是達州舉人周純德生員丁明德瞿中舍瞿俊升王三立副高曙茂劉中魁等各募義勇二百名在城防堵又武生潘啟先者另募六百人自備衣糧外復捐軍饌二三千署川督英派赴亭子舖勦賊頗有功戰風洞口陣亡職員唐學職領鄉勇堵禦牛皮灘玉皇觀身受十七傷而歿陳鵬飛中江武庠募鄉兵二百赴達州投効署督英札給千總銜派往東鄉堵禦於落尾子擊賊亡達州役王國學領鄉勇數百人遇賊於范家河盡

汝先是國學曰殺遊奕賊領兵者以爲能至是死之大竹縣廩生孫文領庠生陳德大饒鎔武生鄧光周監生黃鵬率同縣義勇六百餘人戰大平雙廟場死之達州歲貢生吳鵬生員吳兆麟趙曲成冉仕益劉鐸張國順王體元武生閔朝選李欣然楊禮琳監生湯釗溫學元湯三達蔣立德秦思和等招集義勇二百人禦賊於通天觀並死之蓋鄉勇之起雖原自衛身家亦多有被賊焚逐無家可歸而健者遂率以赴營自効然器械既劣膽氣難齊官兵又往往不繼遇賊非返走卽授首而已而爲之首者多文武生監故賊尤疾紳士嗣獲

衣冠者必痛加慘毒聞者酸鼻又賊之蹂躪州縣婦女受禍尤慘老穉者猶僅委命於一刀其他醜淫侮辱種種難堪雖潑悍倡伎且求死不得而烈者或裹髮力聞或極口恣詈以速死爲快至鄉里之刳縊投井服鳩死者尤纍纍不可勝數也是時達州婦女生員王曰祥妻鄭氏等百八十人同時遇賊殉節○十月賊徐添德等透迤至東鄉縣之方家坪冉家壩署督英遺甘肅大馬營游擊王相龍率所領及鄉勇武舉余耀先等扼於張家觀力戰擒數十百人賊氣少却乃於馬鞍山普子嶺紫木城掘深溝埋鐵籤斷路拒守遣徐添富勾

結太平黨羽黃富才卿有義作亂城口鞍子坪期互救援署督英飭夔府副將富明阿都司五十六知縣吳昇崔特峯州判沈咸賓縣丞呂朝恩巡檢朱向隆千總廖廷超把總張應祿外委周定國王陞攻破馬鞍山賊走蔣家山義勇首桂天聰衛國平王丕承田秀起王宗祿蕭露瀛李逢春等伏兵突起賊大敗而川北道李鎡率太平營都司謝開亦破鞍子坪賊屯富才有義墜崖死添富竄入深林購得磔之桂天聰札授六品軍功天聰者東鄉國學生以正直聞鄉里有子曰涵精悍多智好舞刀奪槩跳蕩不羈有周孝侯風賊起或誘之

從逆涵格殺之父子率族隣日與賊持賊焚其廬營鐘子
山賊數萬來攻涵率數十人大呼躍出賊辟易奔又嘗從官
兵出遇賊官兵潰涵率其眾伏林莽賊過疾擊其後轉大勝
會日暮札叢山伐草樹燃火數萬賊知涵人少意其虛張聲
勢夜半徑劫入營不見一人忽鼓聲四面起如百萬軍賊亂
奔出掃路已塞自相踐殺至天明仍不見一人蓋涵料賊必
至與數十人者散伏四山伺賊入營即以木石断路虛作喊
聲而已涵卽養齋軍門其智率類此賊犯新寧縣赤水營守
備黃塘夔協右營把總武舉車能勝堵禦新寧戰敗死之縣

武舉張廷襄庠生陳朝聘陳書文黃中理袁天倫柏太辰歲
貢生吳震武生林中彪孫元岱監生林盛皓周子泰並鄉勇
數十人俱遇害新寧又有孫世河者父名玉章援例捐州同
銜賊在麻柳場時玉章率鄉人於玉皇觀設卡堵禦爲賊所
獲世河痛其父遍吳隣里衆義之合四五百人十八日直入
賊壘忽鳴金聲起賊四面圍之世河聞甚力戰移時不敵賊
追殺十餘里死傷過半世河奮戰力盡死賊並其父玉章殺
之又有李元逢者亦新寧人遇賊匪於百節山偪其引破旁
寨元逢曰吾寧捨一命不忍害數千人命賊殺之是月東鄉

縣婦女生員孫輝妻李氏等八十人遇賊殉節○十一月署
 督英駐達州重慶鎮總兵袁國璜由苗疆領兵五百至東鄉
 直徧徐添德壘賊乘之凡三晝夜營柵未固不得休息危甚
 適陝西興安鎮總兵何元卿領土漢兵從冉家壩土地堰轉
 出急攻其旁始退官兵逐之頗有殺獲遂合兵老營灣四圍
 樹巨木編竹縛以生牛皮外坎長壕埋餓稜其下賊屢來攻
 輒敗去於是賊四五日無動靜官兵每黎明黃昏例百人出
 營放鳥鎗三週喊號三聲偶侵晨大霧號聲未絕賊伏壕邊
 突起火毬如流星百萬擲入營內外用長繩飛鈎拔柵倒覆

壕上如平橋營中驚起倉猝未及披衣火光滿帳賊萬衆撲
 入殺聲聞數十里元卿國璜死之並都司高傑及軍士無一免
 者棄糧糗山積被難民飢甚不敢取食以為賊已施毒於內
 也二將最驍勇累立功袁尤特出先是鄉人夜見賊銜枚下
 山知必劫營鄉勇桂涵聞道走報二將輕賊不為備故至於
 敗時賊王三槐尚屯豐城東鄉人羅思舉有膽智督力過人
 趨捷如飛不治生產橫行鄉里間觸禁網屢陷屢脫鄉里畏
 避久益不知所往時或見於人家屋瓦上及幽崑遠洞荒寺
 敗舍間足嘗裹鍊砂數十斤蓬頭敝視行千里外至是來歸

合縣役鄭元把總唐達共兵勇千餘擊賊入其營元達被殺
思舉脫身出自是或昏夜獨入其營砍賊級往返數四賊亦
不覺相與驚咤副將艾如文領兵來豐城知思舉才可用謂
曰豐城皆茅屋可燒而走汝能今夜三更熟其營則以爲汝
功思舉諾乘夜風黑潛入賊中軍帳舉火賊驚跡之思舉學
貓鳴匿馬腹下仰攀馬項趲足敲馬蹄齧奮躍而出回視賊
營火光蔽天賊多焦死王三槐冷天祿等遂走合徐添德於
是桂涵羅思舉起鄉兵以拒賊各數百人設卡堵禦賊不敢
犯或率其精壯伺賊營左右賊備則止稍懈則擊之賊整眾

來思舉涵以十着路熟輒遠颺去已復左右擾之賊無如
何往往以數十騎走賊萬衆屢有斬獲大帥亦時加賞激由
是兩路義兵遂成勁旅特是時賊黨散漫武弁陣亡者甚多
重慶守備石陣圍戰歿袁道觀前大同守備陳愷龍遭劫回
籍赴營投効被執不屈死外委高懷戰歿西山坡達州武舉
余耀先隨王相龍扼賊於張家觀是月率衆戰歿香鑪坪
小河營把總岳占魁戰歿於蔴柳場開縣汛外委米兆濟戰
歿冉家壩提標石營把總柯世雄戰歿於東鄉之汪家溝又
達州民張霞一家八口于經一家七口蔣立德一家十八口

李作倫一家八口、李學才一家二十二口、蘭美揚一家八口、嚴爾亨一家十口、陳學浩一家十二口、周俸一家九口、李近伯一家三十三口、俱被脅不從、遇害。十二月、巴州逆匪羅其清與弟其書及苟文明、解大川作亂於方山坪、通江縣則有冉文儔與其姪添元、添泗及王士虎、陳朝觀、李彬、楊步青、蒲添寶、景英作亂於王家寨、太平縣則有龍紹周、徐萬富、龔建、唐大信、王幗賢作亂於南津關、皆徐王黨也。是時四處賊起、爲首者不下數十人、而東鄉太平、巴州通江俱毗連、陝楚於是三省之賊互相出入、益肆猖狂、而羅其清遂率衆夜圍

巴州、文員皆出游、擊王相龍、率外委吳玉等衝突賊陣、力竭俱死之。徐王等賊亦於二十七日被拖三壩、洋列子、曾家山、直抵東鄉城下、成都副都統佛任帶兵鎮守東鄉、候補縣陸霖亦委赴東鄉、協護城池。邑令張寧陽及霖並縣尉楊永錫、千總徐文英率民夫四面分陣固守、以城壕太淺、兵民復不相習、賊薄益急。除夕城潰、士民有翼寧陽去者、寧陽揮手曰：「城亡與亡、吾分耳、毋累爾曹也。」遂遇害。永錫、文英挺身巷戰、力屈被戕。佛任、陸霖被執不屈、死寧陽、浙江仁和人霖、江蘇人永錫、山西浮山人。是年先後調赴軍營辦事、遇賊死者署

榮昌縣李繼善永寧縣丞徐世經蒼溪典史楊堂江津縣典史楊文炳自寧陽三人外又有此四人武舉王恒把總鄧連俱戰死成都將軍觀成自湖北回川協勦陝甘總督宜綿率師入川總統軍務

戡靖教匪述編卷二蜀述

石香村居士編輯

二年正月賊徐添德王三槐冷添祿出東鄉城營張家觀天星橋以鄉勇桂涵屢次截殺銜之遣其黨掩至鑽子山涵與戰殺獲數十人賊敗去追至冉家坩天星橋再戰殺賊二百餘人松潘把總卿定國順慶外委程安國陣歿○二月陝甘總督總統宜綿如太平南津關遂至東鄉與署四川總督侍郎英善成都將軍觀成復縣治署領侍衛內大臣子爵德楞泰廣州將軍襄勤伯明亮以平苗兵入川與總統宜綿會時苗

疆事竣領兵將領自提鎮副叅游如朱射斗索賚英阿奎舒勒禮善明興玉桂長春瑪靈阿姜敏功李昌永明馬瑜楊萬年達音泰西津泰穆克登阿等俱從十五日官兵與賊遇戰於南埧場兩相截而死者甚眾田水盡赤防禦常福祿驍騎校常齡常善懋功外委朱占元瀘寧千總魯君俸等戰歿賊徐添德王三槐等移屯金峩寺○三月朱射斗以平苗兵日與賊戰賊始懼遂稍偪賊壘金峩寺山頗高峻十一日戰賊敗去射斗逐之拔柵將入官兵拋火毬忽觸柵倒飛火藥盡焚賊選勁卒乘勢撲出官兵退戰於山腰賊四面圍裹官兵

無不一當百而賊不退有一巫揮雙矛殺數十賊左右衝突無不披靡力盡而死於是守備楊萬年千總冶正華拜登鰲高尙賢馬國寧把總馬玉成羅君睿千總王大倫外委羅應舉祁紹堯古萬龍千總馬彪張永清外委秦廷玉張文倫胡得貴署把總武舉陳子現刑彪外委余正明別思滿屯外委雍忠大千總郭德元監生王選等俱死之賊潰入寨是戰也官軍雖挫衄賊死者亦數萬人而金峩寺山旁有二洞一孫家洞一名陰洞土人避兵者居之賊每出入與官軍戰二洞民輒伺便與鬥賊過則擊其尾出則攻其寨游徼者卽縛入

硃殺之賊乃毀民居數百家積材岩下焚而薰灼硃中以風板扇之烟火四散又掘山上水田注灌之硃中另開一竇隨注隨渴賊或來探硃民於兩山築高樓匿人發鳥鎗來者輒斃賊大困復屢爲官兵所扼遂移屯重石子香爐坪起營朱射斗尾而追之桂涵羅思舉各率鄉勇伏茶店子下賊渡小溪河桂涵與思舉左右騰衝而出殺聲震天賊不能相救自相蹂躪死者無算溪水不流總統宜承給六品軍功於是鄉勇益奮賊走香爐坪宜綿德楞泰穆克登阿等四面圍之朱射斗日與相殺復逼其營東鄉知縣劉青單騎入賊寨招降

賊歡呼迎入呼爲劉青天款以酒食一宿送出稱降次日突入雙廟場殺人無算擄掠而去但苦無鹽以銀一兩與鄉民易鹽一斤民皆驚匿鹽不可得時署四川總督侍郎英善調署陝甘總督總統宜綿兼署四川總督重慶鎮總兵百祥攻冉文儔於通江文儔遁入巴州方山坪與羅其清合○四月賊匪窺伺達州城潛出三四千人分路直抵鐵釘壩卡副都統西津泰與叅將魏攀舉鼓勵兵勇併力夾擊之賊潰還斬獲甚衆州城賴以無恙大寧縣奸民陳崇德作亂於老木園以應賊將軍觀成分兵勦之均房外委蔡大勇戰死○五月

賊在香爐坪爲官兵所困西竄官兵分路追擊新寧達州東鄉太平民被賊焚掠者數十萬人各挾矛矢思尋報復聞賊竄相聚來追賊至淨土菴官兵亦至朱射斗營其西德楞泰營其北明亮索費英阿等營於東山穆克登阿營南山賊不能出乃攻朱射斗自晨及午西營軍士弓折矢盡營垂破忽鄉勇四山羣出頭上各標樹葉一枝彌山際嶺軍功首桂涵羅思舉慮無統率令各折紅布繫臂號起並發一乘馬賊將近林鄉勇發一矢應弦而倒數十萬衆蜂擁蟻奔而出賊大驚寨中火藥忽發殺聲騰驟烟塵漲天賊如山崩尸積數丈

斬教首孫賜俸潰衆南竄穆克登阿發大礮擊死又萬餘賊哭聲震天繼於林者如束樹爲之折棄衣糧如坵阜血流成溪明年林木皆爲屍氣蒸死鄉勇兵士獻耳級以箭箠藥囊擔數十石論者謂賊起以來未有如此大創也餘賊二三千人欲北走太平縣爲田况濡裹無復人形自頂至踵惟見兩目路旁居民驚駭爲鬼爭擊之於是東奔西竄矣先是軍功桂涵羅思舉追賊至落尾河截其後隊殺賊三百餘名餘賊在冉家塢者又斬獲百十人轉追至譚家觀調知賊首徐添德營夜圍攻之添德逸去殺賊八百餘名賊已爲鄉勇破膽

故得此大勝其後賊既敗謀復據天星橋先遣其黨來築寨壘涵思舉聞而馳至疾戰殺百七十人餘賊遠颺蜀賊以徐王爲最時已大耗可與殄淨忽湖北襄陽首逆齊王氏姚之富王光祖樊人傑張漢潮等爲楚省官兵追逼由陝入川之通江竹峪關遂至東鄉與徐王等合於是定以青黃藍白等號又設掌櫃元帥先鋒總兵等僞號達州首逆徐添德稱青號徐添壽王登廷張泳壽趙麻花汪瀛熊翠熊方青陳侍學附之東鄉首逆王三槐冷添祿稱白號張子聰廣向瑤符曰明劉潮選湯思蛟張簡附之太平首逆龍紹周稱黃號龔建

唐大信徐萬福王幗賢唐明萬賴飛龍附之巴州首逆羅其清稱白號羅其書鮮大川苟文明附之通江首逆冉文儔稱藍號冉添元添泗王士虎陳潮觀李彬楊步青蒲添寶景英附之張漢潮流擾城口重慶都司胡魁陣亡○六月尙書總統惠齡尾追齊王氏姚之富入川與署廣州將軍伯明亮署領侍衛內大臣子爵德楞泰分道勦之齊王氏等竄掠雲陽萬縣一路教匪沿途響應奉節縣逆匪龔文玉與弟其位卜三聘陳得俸稱線號據錢瓦寺雲陽縣逆匪林亮功與其姪林定相及張長庚蕭占幗包正洪張長青等稱月藍號據雲

陽之白岩瀘州營都司安如峒撫標千總楊映揚俱戰亡是月前後各處陣歿者撫標把總蒙彪歿牛皮灘貴州丹江營把總馬得元歿分水嶺建昌營把總屈澄志歿觀音山靖遠營外委劉珩督標把總王營陞俱歿於紅沙溪懋功協千總陳萬年會川營把總馬正乾俱歿於椿木營寧越營外委劉富歿老虎口城口廳軍功張金堂及大寧庠生冉詢等俱戰歿蓋其時賊匪所在皆是官兵鄉勇或分追或堵禦或於路遇賊小大之戰無日無之雲陽縣婦女劉吳氏等二百餘人遇賊殉節○閏月大寧老木園賊陳崇德黨逸黑天池紅線

岩九龍池勢不可遏地方官以計擒賊首陳青雲六月初乘晨霧撲將軍觀營於洗沙溪官軍邀擊頗有斬獲至是雲騎尉李寅與州判李師曾帶兵勇與戰於飛沙嶺蜈蚣嶺老木園箐林口互有勝負而巴州賊羅其清攻破巴州五品軍功李遇春等死之遇春達州武舉因賊匪起自備鹽糧招募義勇身經二十餘戰在雷音舖生擒賊首王添福沙河灘之戰擒僞軍師尹神仙又擒賊首張仲祥郭聯宗等於青山觀至是防巴州賊來攻與職員何大林等協力守禦州無城久之潰巷戰被執賊以大獲烹之州人同死者職員李作柱生員

王守一、羅至愷、孫永昌、楊人龍、廩生康作新、陳璠武、生李守中、何繼謨、魏正陽、高彌高、苟騰輝、監生王心典、李瑤、孫永爵、李乾生、孫永韜、白鶴汀、楊續、同子永一、鄧思奇、吏員呂應愷、王曰壽、從九何大受、貢生白廷學、陳家訓等，並義勇數十人，俱不屈死。同時有把總毛安國者，陣亡於益頂坪。或傳李遇春亦於益頂坪被執，云時巴州之有羅其清，無異達州東鄉之徐王，去年游擊王相龍之死，其清已破州城，城鄉男婦死者已多。一女子逃至劔州，題詩於壁，末云：「可憐弱弟思鄉，亟問姊何時反。」青樓時聞賊正熾，不敢遽歸。後在劔亦死。賊鋒

又聞秀郭蓮姑舉人郭杰亭胞妹，當其清始破巴州，賊強勦不從，碎割之，埋牆窟，牆端賊大書「烈女屍骨」四字於石，而陳崇德等之擾大寧者，邑武生譚光祥等四百餘人，並婦女生員冉詢、妻鍾氏等一百餘人，俱遇害。是時鄉民數世以來，目不見烽燧，耳不聞金鼓，一旦狂賊倏起，轉扇妖言，於是賊尙隔數縣，閭里已日夜相驚，往往一二賊騎遠出百里外，見者連村悉潰。賊一大呼，卽棄械就縛，甚或自覓草繩繫項，隨賊馬尾。故賊常以數騎擄殺數百人，此雖劫數，亦足見賊之狂虐。○七月，領侍衛內大臣子爵德追賊齊王氏等，至雲陽縣

之黃村其處突起賊匪數千以林姓爲首王氏爲官軍追急恐不能脫給林賊曰吾領前鋒將下湖北大隊在後汝急迎之意欲委林賊於官軍而已可徐逃也追兵至賊隊迎數十里官軍調知卽扮賊裝而前林賊率衆跪迎內大臣德愛而殺之叅將姜敏功邀擊賊匪林亮功於水由坦賊遁總兵百祥亦擊退方山坪掠稻之賊會川營外委陳釗陣亡○八月賊齊王氏姚之富由奉節東竄楚境將軍伯明署領侍衛內大臣子爵德領川兵尙書惠領楚兵追入楚屢戰於蓮花寺白帝城巫山縣四川提督穆克登阿護軍統領舒亮圍勦白岩

山賊襄陽鎮總兵馬瑀太原鎮總兵德齡圍勦瓦寺賊楚匪與大寧雲陽奉節賊合提督劉君輔領兵勇携布囊夜攻賊巢雲騎尉李寅攀石磴曲折而上賊壕密排竹簽寅以袋盛土填之首跳過濠砍開木柵賊格鬥左右擊殺受傷數處與宅壘外委郎卡結及外委童國輔俱戰歿賊龍紹周等圍太平太平無城令尉俱出有病兵五百署教諭魏詩激厲而起復諭紳耆募鄉勇二千築土墻拆民家樓板欄柵架其之男子皆乘城不足又益以五十以上婦人男子冠服佐之三日殺賊二百七十餘人圍解○九月賊徐添德冷添祿王三

槐擾川北一路當齊王氏姚之富之入楚也徐王等逆未與
同行齊王氏留其黨王光祖樊人傑與之合從大寧趨太平
一路與太平黃號龍紹周龔建唐大信徐萬富王帳賢等合
復遣黨羽勾結巴州白號羅其清通江藍號冉文儔下方山
坪分擾巴州達州東鄉太平儀隴營山梁縣通江廣安州合
州隣水長壽大竹岳池新寧奉節大寧雲陽梁山墊江巫山
萬縣開縣及冬而廣元昭化閬中二十餘州縣無非賊境林
亮功龔文玉等亦皆響應而襄陽藍號張漢潮等復由陝入
川是後處處皆賊兵勇疲於分應非但賊之名目不可周知

卽官民之戰死亦不能枚舉奉節令周景福守備劉忠魁敗
賊於樓子埧擒賊首謝紹武王廷獻忠魁擢都司叙馬營外
委羅永春陣亡太平廳婦女賈陳氏等二十餘人爲賊所殺
○十月賊徐添德王三槐等焚靜邊寺劫官糧建昌營外委
李紹文越雋營外委馬志力戰死之賊遂破通江城初總兵
朱射斗遣卒賚檄往通江縣爲賊所獲遂以檄給通江人云
朱鎮將至當遠迎通江人信之次日賊僞效官軍裝至兵勇
鼓噪迎出遇賊礮焉署令涂陳策以幹才稱投儀隴令調權
通江通江舊無城至是力竭死陳策貴州都勻府舉人邑庠

生陳應龍等死難通江婦女庠生陳應龍妻周氏等三十餘人俱殉節賊擾儀隴縣廩生吳維幹及婦女李茂朝妻廖氏等四五十人遇害賊破南竹縣知縣裘良駿與汛弁赴滴水岩堵禦留訓導余文泰守城賊間道猝至兵單城陷被執罵賊不屈與長子學海同時死文泰什邡縣歲貢生賊圍營山城先是營山城高不及丈知縣喻廷舉聞賊起督民夫晝夜興築加土墻數尺工畢而廷舉病接篆謝惟良憑土城以守賊圍三日城垂破總兵富成等以兵至賊偽爲鄉勇將襲之時城內設糧局辦糧務知府淡士浩遣人間道以告富預爲

備賊至敗之城圍亦解圍城時外有東林寺地勢頗高賊倚之駕大礮擊城知縣謝惟良遣人焚其寺賊失險又敗於官軍故退外委朱文榜副貢王宗耀並文武生監四十餘名義民三百人婦女庠生劉鎮母席氏等百人俱死難又有賊首張映祥阮正滢擾近南充縣庠生劉青標等二百餘人婦女陳秀姑等百人死焉流至閬中逸廣安岳池閬中廩生張矩等二十人廣安舉人胡元智一家七口岳池在籍巡檢楊光昂庠生王大章等百餘人並婦女三十人俱被殺而王三槐等轉掠渠縣大竹笑園鄰水城縣庠生盧翰昭等三百人婦

女庠生黃鐸妻秦氏等三十人遇害賊毀城外民居數百家積城下高與城等欲乘以入會日暮城中人獻計用蘆絮灌膏燃擲之焚立盡朱射斗兵亦至三槐等遂竄掠長壽境縣無城守備夏繼先歿於陣賊入縣治令出走典史章潮巷戰被執剖腹而死屠其城庠生傅昌黎並其妻羅氏等五六百人俱殉難○十一月賊自長壽剽入墊江梁山千總李占魁把總楊國名墊江監生周文明梁山軍功王曰富等七百人墊江婦女庠生高聯妻李氏等四十餘人梁山婦女鄭文氏等三百餘人俱被殺○十二月王三槐等自梁墊轉抄新寧

東鄉都司龍魁候補州王嘉猷經歷陳棟孝廉方正張騰耀千總武懷德均被戍武生胡恒歲貢生向昭元監生李玠新寧監生黃懋妻廖氏等紳民婦女數十人俱被難三槐添德並樊人傑張漢潮王光祖等狼奔豕突忽合數萬人襲殺堵隘守備樊模聚於開縣臨江市故巨鎮也列肆數千家夙饒裕時偕歲除賊日夜宴犒歌舞人民之流離慘殺殆不忍言川北又倏有楚賊姚之富齊國謨等萬餘人從陝西越雲棧入廣元外委王奇英軍功何貴在籍州同楊繼曉貢生楊暉等率鄉勇三四百人禦於廣元之九曲坡戰歿之富等遂合

阮正滄黨擾昭化蒼溪一路武生賓守禮庠生羅玉書等數十人被難時川東北皆賊境武弁守備思達大千總張時華陳裕後余海把總謝復榮楊忍濟馬定元駱維文外委王傑萬縣貢生王繼綸並妻女等又數十人俱罹賊鋒尙書惠齡領官兵由太平如川次達州雲貴總督威勤侯勒保調湖廣總督代宜綿爲四川總統自黔由叙永入川

甚靖教匪述編卷三蜀述

石香村居士編輯

三年正月總統勒次梁山縣時達州青號賊徐添德東鄉白號王三槐雲陽月藍號林亮功奉節線號龔文玉太平黃號龍紹周各率其黨與襄陽黃號王光祖樊人傑俱聚於開縣之臨江市添德遣新寧人曾柳往梁山萬縣結石壩山同教賊郭長俊伍一凱起事以牽我師總統議先勦新起賊十一日師次石壩山攻克賊寨誅長俊一凱賊先遣曾柳馳報添德來援追及於彈子埧斬柳卽勦滅餘匪斃千餘人擒千餘人

都司劉忠魁、虎正林與大寧賊陳崇德戰於老木園，敗績。外委王正林死之。開縣在籍縣丞桂紳軍功龔正海、廩生羅子翼等紳民婦女三百餘人遇害。領侍衛內大臣侯額勒登保署四川總督，兩江總督福寧署廣州將軍，伯明亮署領侍衛內大臣。子爵德楞泰等勦辦遲延，先後降革。仍各帶副都統銜使奮力立功。四川提督穆克登、阿護軍統領舒亮亦以遲延被逮。成都副都統七十五爲四川提督。○二月，陝西河州鎮總兵保興戰歿。達州藍翎千總李自秀、泰寧把總王正剛、永寧外委李進俱陣亡。再戰於渠縣，大青山官兵幾不敵，會火

藥陡蕪賊遂驚潰。巴州白號羅其清、通江藍號冉文傳、徙據儀隴縣之孫家梁，尙書惠齡、西安將軍宗室恒瑞、直隸提督慶成勦之。總統勒保調任四川總督，署陝甘總督英善以刑部侍郎來川，與副都統銜福寧駐達州籌辦後路糧餉。時各匪往來川東北，居民散處，畏脅甚衆。因採堅壁清野之議，通行各屬，令百姓紮寨屯糧，團練鄉勇，以期自衛，並設法招撫賊中畏脅之人。○三月，巴州賊羅其清等旣竄儀隴，餘黨散擾巴州。千總桂涵擊之，獲賊百餘，殺賊五十名。而王三槐、冷添祿等屯開縣，遣其黨欲攻新寧城。總兵朱射斗扼賊觀音

山以防賊突開縣城謀知疾伏兵於新寧城外五里之普安場賊過半邀之大捷新寧城得無恙敗賊走太平射斗追至又敗之○四月總統勒兵至開縣遣將佐連日與王三槐等戰梓潼廟九龍山又戰鐵索橋鐵索橋之戰官兵擊其右鄉勇擊其左盡一晝夜朱射斗追賊由太平過隣水戰於金盆池失利棄大礮甚多賊得之皆棄於金盆池池深無底冉文儔羅其清分擾渠縣焚掠碭寨千總桂涵由巴州轉戰而前頗有殺獲軍功孫人輝戰亡永北叅將衛攀舉戰于佛岩死之攀舉廣元人由武科進士選侍衛揀雲南都司嘗與副

都統西津泰敗窺伺達州之賊又戰西山坪擊賊東峪溝擒馮雲美及餘黨百二十八人攻于佛岩賊巢鼓勇先登手刃數十人歿於陣○五月賊羅其清冉文儔掠儀隴縣糧官與史楊堂把總劉忠孝隨大兵奮力截殺歿於陣把總任殿榮率兵攻賊營不勝死之領義勇被害者文生杜如崗等及蓬州貢生劉瑞鶴等男婦四百餘人時姚之富餘黨已折入陝羅冉等賊在川北者尙書惠勤辦王徐筭賊在川東者總統勒勤辦雲奉之賊則提督七勤辦而將軍觀湖廣提督劉君輔守扼川楚之交兼辦大寧老木園賊陳崇德老木園賊負

岫日久前月廿旬官兵由三道堽進攻焚其外圍兵勇執旗
 牌先登躍入砍斃數賊衆乘之殺數百人賊首陳崇德知勢
 不支率衆從西北滾岩跳澗連夜奔逸我兵截於琉璃溪口
 賊由冉家壩越山而逃追及木桃坪大黃連壩闖入太平縣
 又折回水墩子官兵復敗之崇德自刎先是四川將軍觀湖
 廣提督劉因勦賊遲延革職至是陞頭等侍衛而賊卜三聘
 張漢潮等復出沒無常守備趙成龍把總刑光周並城口民
 婦共數十人俱被戕漢潮尋竄入陝○六月巴州白號羅其
 清通江藍號冉文儔竄據營山縣之箕山襄陽黃號王廷詔

白號高均德張添倫等亦至川境沿路焚劫與其清會集
 箕山副都統額副都統德領兵回川協同尙書惠勦之其清
 黨旋犯南江武舉王瓊庠生康英才張鵬漢等率鄉勇並妻
 子婦女數十人死難東鄉白號王三槐冷添祿自開縣與徐
 添德王光祖林亮功等分路竄據雲陽縣安樂坪總統勒引
 兵圍之成都外委周仁余朝龍戰歿○七月甘肅提督達音
 泰陣亡賊黨有屯開縣温塘并貓兒寨者千總桂涵率義勇
 偕官兵圍之月餘賊由寨後垂下急擊之全數擒斬○八月
 思南游擊王宗佑戰死安樂坪總統勒遣都司馬龍與渠縣

貢生劉星渠入安樂坪賊壘勸之降於是二人留賊中而說
王三槐入大營見總統已縱之去復命小軍二人往質給三
槐來再議至則擒之二小軍死於賊而冷添祿遂代領三槐
之眾仍據安樂坪三槐解京正法徐添德林亮功王光祖等
自開縣走新寧燈盞窩典史王之紳率鄉勇拒之不勝先是
新寧武舉張承紆貢生張錫鏞共輯團眾從官兵戰玉皇觀
淨土菴在市舖復從知縣趙華典史于桂禦賊白岩山紅岩
子至是之紳率眾往禦殺三四百人遇伏發敗績總統勒遣
兵追及梁山之荆竹園斬頭目林定相擒賊帥洪道人定相

雲陽月藍號偽元帥也○九月賊林亮功王光祖徐添德等
突忠州權州事王重華舉人柳敬承及生監范元祥等百餘
人不辱死賊走鄧都團首閔正川等數十人禦於烟墩了武
生胡星率義民等戰於灘山壩俱敗死婦女張文妻杜氏等
不辱死者又數十人賊旁掠長壽遂至江北廳之悅來場有
小頭目蔣添煜擾土沱鴛鴦橋大肆焚掠外委田應龍虎昇
龍保廷棟並團勇武生戴高李萬青俱戰死恩貢生江作舟
年八十一歲賊至正襟危坐於堂誦不輟賊殺之婦女楊
謝氏等五十人殉難一少婦遇賊縛馬上夜釋之婦曰

我良家女必欲見辱，則請別居。室梳粧成禮，乃永偕伉儷。賊喜從之，婦從容粧畢，喚賊就視，身甫近，婦遽以梳扼其喉，立斃。乃互易其服飾，剪髮貼賊首，卧之榻上，自效男子冠履而出。明晨，賊入覘，以爲婦已死於榻也。壁山縣舉人劉國輔集團勇防禦江北，賊不敢過江。亮功等旋竄至合州之大溪口，武生王大造領鄉勇二百人隨叅將姜敏功拒戰於楊家崖。我軍潰，大造謂敏功曰：「公不可辱於賊，吾亦捨死相從。」被圍數重，力鬥受重傷，俱歿於陣。團首陳彥韜、歐陽鵬、劉鍾煌亦戰死。初，去年十二月，突有賊黨窺伺合州城，庠生劉鍾

煌督義勇赴三層岩截之，賊遁。知府嚴士鏐、叅將徐南鵬、州牧龔際美、吏目萬鍾濬、知縣胡壽芝、田文照、州同符元魁等掩殺盡之。至是，賊林亮功、王光祖等由賈角山趨康家坪，徐添德由五里坡掠渭子溪，鍾煌腹背受敵，退至長坡嶺奮鬥，手殺數賊，共義勇百人力戰陣亡。合州在勝國時，白蓮賊蔡伯貫作亂，曾攻破其城。至是，州人有夢伯貫入境者，心異之。晨起見其妻女皆無頭，愈大驚，亟欲竄匿，而賊已至。其妻子弁他婦女數十人俱死。○十月，賊徐添德、王光祖等合擾定遠縣界，武生李繼昌、邱棠、吏員文顯揚率義勇禦之，戰死外

委張占鰲把總陳泰俱歿。十一月川北賊渠羅其清屯踞營山縣之箕山，排柵三層，山後寨卡林立，曉夜鼓角與大營相聞。高均德、冉正澗、唐大信、王廷詔、李全、左右立寨，依之副都統德領兵先破旁寨，登箕山，焚賊柵，遂潰。攻後寨亦潰。時副都統額自蒼溪至灌子場，聞張公橋有賊，迎擊之，大捷。擒張正澗、張漢潮子也。於嘉慶二年與其父分兵走箕山，援其清至，是被擒。其清既屢敗，又失援，乃棄箕山，先營大鵬山，為三窟，走就之，是役也。斬賊二千餘人，擒賊自劉士序等二百餘人。我兵游擊靳文銓戰死。十二月，爵部楊遇春時為副

將偕副都統額從張公橋，既擒張正澗，斬賊五六百人，乃合攻大鵬山之觀音坪，兩晝夜殺三百餘人，進據馬山溪。而大鵬山週百里，形勢絕險，西北有觀紫山、龍台山、馬山、溪東南則鄭家山，逶迤綿亘，中隔一嶼，為寶珠寺，其東北雙山子極高峻，居民舊寨，其上木柵石墻均極堅固，因逼近箕山，避去官兵，破箕山後，其清竄踞，分立卡隘，官兵從旁抄之，頗有斬獲，賊據寶珠寺糧食甚飽，無如之何。先是其清遣第其書、其秀及賊目蘇應從常在營山，儀隴、巴州抄截官糧，副將楊遇春復馳追，敗散餉道，以通，因築長圍以困大鵬，至是諸帥破

其南門遇春破其西門殺賊五千餘人生擒如之其清父子
兄弟且戰且走由官山擾巴河浮水上南北山梁復據虛空
寨官兵擊之至白埡子賊入蔡家溝爲官軍所邀正酣戰副
將德寧游擊喜明馳赴之賊大潰其清父定國及弟其書其
秀子永福俱被擒是役也遇春功居多千總桂涵與賊戰老
鶴嘴大捷擢越巂守備綏靖把總何聯陞戰死是年山西殺
虎協都司郭明宗川北千總郭德元成都外委黃玉祥把總
羅廷柱千總陳周恩原任湖北襄陽守備楊金藍劔把總仁
壽武舉江悅柏千總宋國富謝兆熊外委楊盛典俱戰歿時
賊全無紀律糧餉饑則寇掠飽則棄餘故轉徙無常而黨羽
散布川東北州縣在處皆是官兵大隊所至猶稍有忌憚及
往來堵禦軍卒突遇醜類多被戕不能悉記

加參自述



